

灌

園

草

木

識

灌園艸木識序

貞鎬先生海內推爲大儒
漳中欽其君矣卜居東偏
百命灌園曰涉以來趣非
朝槿暮詩則左圖右史觀

其居身清淨托寄玄遠且
不知有漢何論魏晉往來
問夢者屢蒲戶外

先生虛心叩應肯蒙來求
煥若星辰有疑來質決若

養蔡誦瑰瑋之文仰卓絕
之行繇鄉國而天下靡不
嚮風不佞株守章句佩服
有年日者叩關請爭歡若
素交信手盡拙詞歌賦觸

目皆琳瑯珠玉。握塵對譚。
時見叢卉呈芳。群樹獻妍。
因而起步。涉覽蒼巘。則崇
嶺峻嶺。轉狎則三灣九曲。
變幻剽海市蜃樓。餘波則

廣乎大陸。隱士泥濘。僊人
冰綠種。二。奇觀窮矣。不暇
先生語。不佞曰。生平得意
處。不在多。即此小槩。費絕
心。所象于斯。圃于斯。身所

盤桓目所綢繆氣猴將幽
大顙鹵疇門迎活澗徑庠
長隄松柳蒲庭水石蒲室
花菓幾于子株曲水周于
亭下或呼風弄月友寒子

廡或坐茂樹以終日酌清
泉以首潔有客過予採於
園美可茹釣於水鮮可餐
飲無量酒作有韻語雖無
絲柳管絃之盛亦可以續

蘭亭竹林之樂不佞詳其本
末出艸木識相示不戒坐
海藥性諸編再叩展讀起
楂枳橘柚各有其美嘉種
良恣得傳于世直可當朱

艸生者也。按節推勘灌園
中草木共種三百六十有
奇。合周天小造化中有人
傑者不錄。愚聞之君子勤
耘以顯全德。朕花有養性

樹有無憂博物君子必能
辨別動物本諸天順天爲
呼吸植物本諸地根地爲
山人艸木可種而活者胎
生類也以實而產者邠生

類也。荷芡濕生也。芝菌化
生也。餘則青黃雜揉。縣
連二、盛名宿孕。難以枚數。
稽諸禹貢。究則惟繇。惟條。
涂則艸木漸包。楊則惟天。

惟齋三州東南最下美哉
禹所記曰維何以德
先生盛德大業盡人盡物
考之坐澤有界虞廷植之
場圃合奉周官此物此志

也。不佞頗曉其旨。爲

先生誦曰。往來無題鳳。動
靜若游龍。惟此三語。差地
品題。

先生光爲龍。而儀爲鳳。疇

若之咨、執此以往、若區、
艸木、無異于、醉人、田家、
行歌、荒埜中、則管窺蠡測、
其不與艸木同、無起者、
希、

甲戌中秋前十日

通家戲下弟何榼乎

子父書于澹園

灌園草木識序

東坡生

園公之為園也。二十年所
矣。無日不從事鋤鋤。園故
多花。藟因益以旁種。每花
時。命觴集賦。一味之材。分

賞穿興自以屏居多暇脩
闕攘剔移置怪石條繞衆
芳是灌園者之為政也古
人云十年之計樹木初今
倍之宜其抽條擢幹刺眼

娛懷不能已者。第前人
所植。今或消磨。今人所
植。後或繁滋。高岍深谷。所
不可知。因命管城氏錄之。
抑亦多識於草木之名。

崇禎甲戌孟夏

陳正學撰并書於灌園

之岍上任

園草木識凡例

一識名草木植物兼談帝曰疇
若予上下草木其名古矣

一識也者識其名也因名而識
其狀若物簿然非如疏之多有
引也

一花首桃而殿梅以從四時之
序攬其英華爲菓者不與焉

一前人品花多標貴賤沃沃何
知各一時之秀豈容強生分別
一漳南花菓視中原不談不備
者夥茲識園中所有不敢遠及

一物性陰陽各有所宜反是則
槁茲記扞插之時并澆法護法
於各識之下

一高明過從園中蔬菜或藁或
腊時出新意以代盤餐亦所必
錄

一園居雜著不復贅錄錄其關
園政者數首以見志焉

凡八則

澤園草本識目錄

第一卷

花之屬一百三十餘種

第二卷

葉之屬四十八種

第三卷

木竹之屬二十五種

第四卷

藥之屬三十六種

第五卷

蔬之屬二十五種

第六卷

雜著疏說序詩

灌園草木識

東冶陳正學貞鉉著

花之屬一百三十種

千葉紅桃

花殷紅色、臘後春前開、漳名曰早紅、亦能結菓、不堪食耳

千葉碧桃

花綠蒂白色、其瓣微鬆、亦結菓、至秋淺黃、味微酸、可食、園亭植以供花、不爲菓也

千葉銀紅桃

花銀紅色瓣葉甚多花中有花重臺而出團團若盞大

千葉緋桃

花深紅色漳名川桃亦名晚紅蓋自蜀中來者春末夏初時開桃李之異種者至川桃開而淨盡矣

千葉碧李

花如指面大茸茸若堆雪可愛凡桃李俱剪

接而生。獨此種植李樹於旁。視枝大小相敵。各劈其半。春而緝之。混成剪裁。

千葉英梅

花銀紅色。茸茸成小毬。木葉如櫻桃而尖。與梅花全不相似。正二月開。滿枝繁盛。不能作菓。其單瓣者能作菓。另具菓部。

凡桃李梅杏俱於立春前後。花未放。萼未吐時接之。百接百發。凡接花菓。於截處裏以蕉皮。仍絞蕉皮爲繩。極力緝之。視新枝發有數

寸急開其緹繩只畱所裹者以禦風日若不
去緹繩遇風新枝便折枉費工力矣

紫荊

樹葉圓大如掌花真紫色纏攢枝上花粒如
小荳謝後作莢次第開可一月許花後見葉
另有辨證在紫薇花條中

海棠

鐵幹紅藥澆以魚腥水則花繁盛視花謝者
速去其蒂則花復作此無異種第本枝壯則

花綠蒂而複瓣。本枝弱則花紅蒂而單瓣。

白海棠

枝葉相似花瑩淨。豔目開將闌時。作淺紅色。
分種於根頭。旁枝劈而植之。或於枝上劈作
鴨背奪之亦生。

西府海棠

枝頭攢花如櫻桃。結子一簇如小梨。熟時甜
酸可食。吳長卿云。江南名櫻桃海棠。

含笑

花味濃郁蜜瓣紫邊作花繁穗又

山含笑樹高丈餘花純紫稀疎爲不如耳

玉蘭

多從吳浙中來用辛夷博接漳場師亦能之
第接在高處不能如吳浙中低接殊渾合可
喜花瓣剪碎可入茶供成片者同糖麪煎食
之美

木筆

卽辛夷花瓣粉內紫外點綴春色最有韻致

又一種複瓣者名木蓮、無甚分別也。

賽牡丹

茶花千葉殷紅一名絨茶漳茶以此爲勝

山茶

單瓣黃心、灌澆肥壯亦有開至千葉第外大
瓣深紅中小瓣淺淡耳

川茶

花嬌紅可愛重瓣交覆從滇中來莆人賈杭
浙者轉致諸漳漳人近以茶樹博接第不能

渾合無跡此花與玉蘭漳竝貴重之

澆以糞水及魚

腥水森茂不凋切忌溺水

玫瑰

花紫紅色綴以黃心亦熬爲露香甜稍遜番
薔薇澆忌溺水視諸花忌溺者爲甚

番薔薇

此花從夷國來短條多刺花開香烈甜媚千
葉包裹嬌紅深淺意態自佳非玫瑰所敢擬
也吳浙所稱薔薇者另是一種漳呼爲番薔

薇蓋著其地以別之也男女俱帶於首其乾
與肥皂同搗盥洗尤香可熬露寄遠數年如
新日用將露滴湯酒菓餡中甚有韻致

附熬露法

用銅盆可尺面許採花瓣去心蒂滿實其中
簞以糠皮青下白上以錫爲桶蓋之如燒酒
法旁有承露罐桶上仰置水大熱則易之三
易水而罐中之露滿矣銅盆安於烘爐上隔
之以磚熾勁炭火其下一日只熬六次

簞法

或用蔗查去汁以水微浸此易焦焦則露黃而酸酸以麥醋亦佳或用麤砂不至於焦第不能發花氣或有不用火熬將盆置滾水中盪得露多而香氣薄不堪久藏藏露法不宜用磁器惟錫爲佳若遇霉天將確於烈日晒香性長存此法乃海濱人攜夷女爲婦能作薔薇露及五色糖花秘不傳人後或有洩其方慧心好事者懸想加減至於盡善薔薇花之用從此博矣

黃寶相

白寶相

紅寶相

市賈多採紅寶相花雜薔薇熬露香氣易散所以不佳又有滲入柑花不知柑露清烈自可單行第柑花多而薔薇少故雜之耳

白單葉千葉木香

白千葉木香

黃千葉木香

凡刺花插之多活獨黃木香難插遇春雨多
或有活者

白剪絨

長條多刺甚尖銳可植之以茨牆花千瓣如
薔薇亦名白薔薇

醪醪

古人用其花以釀酒故字從酉釀法今廢
御愛

花如十姊妹純紅紫色

南海麗春

江南一名月月紅有千瓣者有微鬆者灌漑以時千瓣不變澆以溺水不數日而斃矣非如種種刺花可以雜灌也

長春

粉紅色微香臘前開至秋如月月紅

三品

長條作幹一簇三花狀如長春有深紅淺紅純白三色齊開以上黃寶相十二種於立

春後剪枝插之卽活

玉帶

葉如柳花白如小繡毬柔條布花望之似玉

帶故名

刺牡丹

漳呼爲密柳

白繡毬

一名粉團花滿樹齊開夜視之恍月色也

罌粟

花鮮紅千瓣極有妍態結子如罌中有粒似芥故名以中秋日種子則下年開花妍美

石菊

一名錦竹有草本者有木本者有紅白二色洛陽錦

花似錦竹一莖之花輕紅沈紅雪白錦白六七樣簇出一年之中花謝種子旋即開花乃馬劬思先生爲南奉常寄種前此漳未有也

柳串魚

草木識

一名珊瑚花銀紅色其木葉似楊高二三尺
花作穗而末銳似魚故名

千葉紅石榴

千葉銀紅石榴

千葉白石榴 其單葉結子者具菓部

英花卽合歡樹

花銀紅色茸茸如英其葉可濯垢衣

黃扶桑

紅扶桑

銀紅扶桑

鶴頂紅

一名照殿紅、木葉似扶桑、花單瓣、深紅描白、
挺出紅心一條

山丹

可名紅繡毬、藥重臺者佳

玉蝶

花青白色、一苗十數藥、瓣有黃點、易種易花

紫燕

花深紫色形如燕適麗有態種之三四年其
根如薑母大方能作花

杜鵑

花千葉朱紅根甚綿細難培只澆以清水無
別宜者小園屢植屢槁曾見三山居亭一株
甚茂植之盆中安置不甚向陽抑地氣然與
滿山紅

名山杜鵑花色一樣只單瓣中吐一絲瓣上
有斑點一叢之花次第開至三月

蘭

首玉幹

葉有虎鬚又口者是一莖之花可二十葉其
幹如玉故名漳貴重之時澆以魚腥水冬春
之候澆以糞水分種以九月十月間用溪邊
大水退時泥掘雜久燒草糞培之茂密葉長
可三尺華與葉齊安置通風少日之處五月
就陰十月就陽近樹惟柿柚龍眼滋其清幽
若竹柏雜木之下及烈日之中或以陰勝或

以陽勝俱致生虱若視葉有虱點於萼將吐
時急割去舊葉如剃髮然則新葉可以斷虱
一年而衰次年而發三年而盛治虱蘭只此
耳無別方也或云搗蒜調水醮之或云以落
髮揉之具無良効割虱不值冬春吐尖之時
便致腐爛芸牕韻友蘭其選矣

取葉開者漬
以楊梅汁作

蘊甚
妙

大青

一莖之花多至十餘藥花幹微青葉麤而不

嫩其值當玉幹三之一

金枝玉藥

葉稍短花黃白色紫莖香勝於大青齊於玉幹

山蘭

有獨藥者有數藥者有十餘藥者香亦清勝
歲蘭

葉長四尺餘花一莖廿餘藥赤黑色無香不
韻拜歲時方開亦蘭類也植以備品

紫蘭

花如蘭真紫色其根卽藥中白芨也

鶴頂蘭

花白中紅如鶴頂不香

真珠蘭

葉莖如蘭花如真珠

魚子蘭

晚春作花成簇綴粒如魚子香如蘭葉葉相

當枝頭節間俱作花漳名翠蘭

賽蘭

木本如桂初秋作花香可媲美葉如魚子萬粒一簇佛書所謂伊蘭漳名樹蘭

凡花以蘭名者俱澆以糞水切忌溺水

秋海棠

色韻俱佳喜陰畏日澆以溺水立斃巖澗之中有高至六七尺者舊傳昔時有女懷人不至灑淚所化未敢然之

黃葵

今犀杯多刺此花樣俗名山吉貝

向日葵

草本如蓼枝頭作花一朶只是東向花大如
鉢外瓣兩重金黃色微香中如蓮蓬又如蜂
窠

錦葵

陳風曰視汝如葍

一丈紅

一名蜀葵一名紅葵

白棣棠

黃棣棠

二花莖葉相似特花有黃白之分俗呼爲繡
毬

山梔

玉樓春

山梔之小藥而千葉者

麝蹄

花似玉樓春而香遜之虞衡志名象蹄漳名

狗蹄

顏桐花

木葉大如葵扇青黑色枝頭作花一朵百藥
深紅重臺吐鬚寸許微紫清明見花開至重
陽乃盡霜天猶留花莖稜稜如珊瑚花之久
紅者莫過此矣端午盛開俗採而戴之以厭
勝名龍船花

交枝蓮

蔓生花如菊外有大瓣六出中千葉莖青也

非蓮類綾段機上多織此花樣

月記

蔓生花如京師玉花一簇可四五十藥玉色紅心謝後次月復於舊蒂上作花勿摘其蒂則花盡復開帶之長日增俗以爲月大三十藥月小廿九藥用以知月若冥莢然細按之殊不然也

山薑花

本如蓮蕉吐花一條成穗香色似荷宋南渡

後漳中此花入貢

香萱

花金黃色而香遠聞藥將開時摘爲茶供甚佳

春萱

有重瓣者

秋萱

二種花俱可食苗白亦可食惟重瓣者不宜

紅曇花

白曇花

葉本如蕉，但蕉花吐於葉盡，此花從葉節兩
月一吐，每莖簇有百藥，香烈可愛。一年凡三
四次吐花，白者結子，紅者亦結子，毬如枇杷。

蘭蕉

花金黃色如蘭，其本如蕉，其子可作拳馬。

美人蕉

葉盡見花，如蓮，深紅色，久之成穗，開至半年
方殘。

百合

其根百片、湊合如蒜、蒸食之甚美、花開六稜、垂頭黃心、

渥丹

葉似百合、花丹色、開不垂頭、秦風云、顏如渥丹、

青蓮

出水時、外葉甚青、開時千葉如碧玉、韻致適然、大智度論云、蓮華有三種、一者人華、二者

天花三者菩薩花人華十餘葉天華百葉菩薩華千葉又云蓮所表示白淨也青喜也赤覺也因時開敷悅可衆心是謂妙法蓮華

紅蓮 有千葉者有單葉者

錦邊蓮

花佳蓬中多子

白蓮

單葉子種花荷最忌桐油滿沼之荷滴幾點桐油立斃種之小盆及沼中一年一易其泥

取根於立春後種之花盛如二年不易泥則
花衰三年更易泥則花盡如種之太早爲寒
所欺葉不蔚起取雄黃或硫磺成塊者勸許
入泥中則葉盛花開矣 呂良常桂林入謫
居漳幕過 取荷葉出水新嫩未開者淖以
滾湯裹肉絲筴豉若餛飩然食之信美名曰
荷管山居取葉爲甑置烈火中煮粥甚香美
色碧綠粥熟而葉不焦本草欠詳故表之

鴛爪

花開如鴛爪青黃色其香遠聞

茉莉

此花最忌潮水、虞衡志云番禺人以浙米漿灌之、則花不絕、六月六日、漑以魚腥水最佳、陳霞麓叅軍南都人語余云、每初昏時取茉莉花三十葉、以甌貯水一半、浮之以紙、置花其上、用紙蓋之、明早花亦堪帶、其水之香烈、終日不散、用以盥洗、點茶烹飪、俱茉莉香也。

尖觜茉莉

一名鴛瓜茉莉、香更清遠。

素馨

夏月開花秋冬尤盛香最遠聞佛書云那悉
茗舊傳昔劉王有女名素馨塚上生此花故
名

紅素馨

有色無香冬月作花成穗漸次而開開不盡
者多萎於霜

黃素馨

終年有花頗似京師黃迎春亦以花形似素

馨得名殊無香也

夜合

花白如玉裹以綠瓣香韻極遠聞唐人詩云
夜合花開香滿庭

木槿

有紅白二種南方草木狀云一名日及桂海
虞衡志云取紅者裹黃梅鹽漬之可以薦酒
花可爲羹

榕桂

其木如榕花如桂故名又一名海洞

翠雲草

隰地多有之花深翠入畫譜杜公云佳人拾翠春相問

蝶穿

花莖青色小藥成簇外瓣如蝶故名

鳳僊花

杭人搗其花以塗犀角之赤黑者立變爲白搗其葉莖以傅杖瘡則黑肉還白驗之良信

滴滴金

人盡指爲旋覆花

夜落金錢

午開子落亦名子午花

金絲蝴蝶

一名金莖花

鶯纖柳

花如鶯叢如柳

鷄冠花

梵書名波羅奢其種不一有高者矮者紅者白者有如百鳥朝鳳凰者白者入藥

蓼花

一名龍游詩雲隰有游龍

鴈來紅

一名禽華班婕妤好擣素賦云見禽華之庶色霜深紅葉如染王方伯二溟過園云蘇人呼爲秋葉楊升庵有賦甚佳

臙脂粉

暮開朝落、花如臙脂、女人用以染屨、花中有
子如粉、用以傅面、故名

玉簪

紫簪

指甲花

南方草木狀云、散沫花也、女人採其葉以染
指甲、則丹紅色、四月初一起至四月盡折其
枝、挿之、則活、他時萬無活法、子種之、十年方
能作花

芙蓉

有紅有白有十葉有單葉其朝白暮紅名醉芙蓉

金燈花

有黃紅二種俗名花葉不相見

紫微

花有淺紅真紫淡紫三種秋開朶朶成簇一名不耐癢樹一名無皮樹非無皮也其樹一年之中能自脫其皮枝幹滑澤可握似無皮

然本草入藥紫荊皮者必此種也近李時珍
本草綱目稱該博詳辯而此花與春開似荳
花者俱名紫荊何其混也唐人詩云小樹小
皮裹大樹大皮裹可憐紫荊樹無皮也得過
則自唐時此樹已呼爲紫荊矣王龜卿云余
刺商州卽田氏分荊之地另是一種木本高
大其花與此不同并識之函史以春開如荳
花纏枝者爲田氏荊亦謬

桂花

自中秋以後月月作花至首夏方止故名月
桂張曲江感遇詩云蘭葉春葳蕤桂花秋皎
潔段成式以爲桂花三月作花黃而不自曲
江妄也不知風土節候不同未可厚詆曲江
漳有黃白二種黃者山桂也一年只九月盛
開一次名木犀白者月桂也秋深盛開花稠
葉稀白若玉樹歷冬春而至首夏灌以糞漿
切忌溺水其花煮以飴蜜而爲膏擣以糖霜
而爲餠漬以黃楊梅汁而爲蘊皆盤供佳品也

丹桂

色如紅丹以博接成樹二月初剪截山桂叢接以丹桂枝過四五年方作花

菊

菊種甚多隨年所種不復分別其名二月半種者重陽前開三月半種者重陽後開菊甚難培其根上行二月半分苗以後一日只灌一次清水至立秋後方可用糞水澆之及作花時以溺水少澆之可以催花立秋前澆以

肥水無不斃者種盆中泥只居其半一月兩次添泥至秋後泥可滿盆五日一澆以糞水則花壯而藥大種菊之泥用糞土水沙雜攪晴時多備土糞以畧清澆一二次曬乾遇久晴將雨之時措一掬於花下或久雨新晴亦摻以前糞上年種菊盆泥菊殘時曬之下年以種蘭甚宜 附墨菊方取樟樹鋸削濕而朽之成泥以種白菊則開墨菊花 附製茶菊方有一種冬月開黃花如錢而厚者

籬落李如穀明府過園語余曰此茶菊也因
示製法可以點茶佐酒採花微蒸之或鹽或
糖隨意所好各用少許糝之一日去汁曬乾
收用製不盡者陰乾作枕甚佳於枸杞苗時
取數葉置白沸湯作杞菊飲良

嫩葉拌糖麪
煎食之美

野蕙

道傍遍有之花色有數樣入畫譜詩註疏云
苦如蕙是也又蓮子中心亦名蕙

月橘

樹如橘而碎葉月月開花頗香結子不堪食也

瑞香

有紅有白有纏枝有簇錦纏枝者花紅而藥大價甚貴重

臘識

茶花之小而繁密者淺紅色黃心迎臘方開一名遍地錦一名海紅

蠟梅

花如梅而色似蠟說有二種其一磬口重葉
內葉半紅其一單葉內不甚紅余園中一樹
滋培功到則重葉而紅有時失培則花小單
葉不紅似無二種此花從南都來未挾其詳
吳長卿云磬口者種佳其小而尖瓣者名狗

蠅

紅千葉梅

白千葉梅

粉口千葉梅

草木識

一卷

廿四

品字千葉梅

花大而香三藥一簇結子亦然若品字焉

照水千葉白梅

一樹之花無一藥上仰亦奇種也

噴雪

長年作花如雪不香

水僊花

漳南冬暖多不作花蔣元實遺余以備品云